



Peter Olsen  
Inatsisartunut ilaasortaq

**Apeqqutininut § 37 naapertorlugu saqqummiunneqartunut nr. 2017\_091 Aasiaat imermik pilersorneqarnerat pillugu akissutit**

02-03-2017  
Sags nr. 2017 - 4281

Inatsisartut suleriaasianni § 37, imm. 1 naapertorlugu Naalakkersuisunut apeqqutininik saqqummiussisimavutit Aasiaat imermik pilersorneqarnerat pillugu. Apeqqutitit uanga suliaasaqarfinnut akissuteqarfigineqartussatut innersuunneqarsimapput.

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

**1. Aasiaat illoqarfiata nunataani nunap iluani imeqarfeqartoq ilumoorpa?**

Akissut:

Inuussutissarsiornermut Naalakkersuisoqarfiup februar 2017-imi suliaritippaa nalunaarusiaq taaguuteqartoq "Greenland Ice and Water" Rambøllikkunnut. Nalunaarusiami ilaatigut misissorneqarpoq Aasianni eqqaanilu puilasunik imeqarfeqarsinnaanersoq imermik pilersuinermi atorneqarsinnaasunik. Puilasoq ataaseq misissuinermi Saqqarliip Nunaaniittoq nalunaarusiami tikkuarneqarpoq, kisianni oqaatigalugu misissueqqittoqarnissaa pisariaqassasoq.

**2. Tamanna ilumoorsimasappat taava imeqarfiit nunap iluaniittut imeqarfigineqarsinnaappat?**

Akissut:

Nukissiorfiit uani ataaniittut Naalakkersuisoqarfimmut ilisimatitsissutigisimavaat: *"Saqqarliip Nunaa periarfissatut pissusissamisoortutut ilanngunneqassaaq siumut sammisumik Aasiaat imermik pilersorneqarnerat annertusisariaqassappat. Nukissiorfiit 2009-mi tatsip imeqarfiup aappaata saputaa qaffappaat, tamannalu kinguneqarluni imermik sillimmataasooq tatsimi annertusineqartoq 80.000 m<sup>3</sup>-it missaannik. Taamaattumik piffissami matumani pilersaaruteqartoqanngilaq Aasiaat imermik sillimmateqarnerat annertusissallugu."*

**3. Qilleraluni imermik ujarlertoqarnikuua?**

- a. Aappiuppat; qanga qilleroqarnikuua? Aamma qanoq kinguneqarpa?
- b. Naamiuppat; Naalakkersuisut imermik ujarlerlutik qillinerissamik pilersaaruteqarnerpat?

Akissut:

Ataaniittut Nukissiorfiit Naalakkersuisoqarfimmut ilisimatitsissutigaat:

*”Nukissiorfiit sumiiffimmi pineqartumi qillerillutik imermik ujaasisimangillat. Nukissiorfiit qillerinissanik erninnaq pilersaaruteqanngillat, maanna imermik sillimmataasoq naatsorsuutigineqarmat ukiuni aggersuni pisariaqartitsinermik naammassorinarmat.”*

- 4. Uunartukasimmiit Aasiannut erngup aqqusiortoqarnissaanik Naalackersuisut pilersaaruteqarpat?**  
**a. Periarfissaqarpa.**

Akissut:

Nukissiorfiit nalilerpaat piffissami matumani pissutissaqanngitsoq imermik ujaasilluni qillerinissamut.

- b. Taamatut qilleraluni imermik ujarlertoqassagaluarpata aningaasatigut tamanna qanoq naleqarsinnaava?**

Akissut:

Nukissiorfiit teknikkikkut imaluunniit aningaasaqarnikkut nalilersuisitsisimangillat sumiiffimmi qillerinissamut.

- 5. Uunartukasimmiit Aasiannut erngup aqqusiortoqarnissaanik Naalackersuisut pilersaaruteqarpat?**

Akissut:

Apeqqummut 2-mut akissut takuuk.

- 6. Uunartukasimmiit Aasiannut erngup aqqutissaanik ruujorersuarmik pilersitsisoqassagaluarpata tamanna qanoq naleqassanganneqarpa?**

Akissut:

Nalunaarusiami Nukissiorfiit 1990-imi suliarititaanni missingersorneqarpoq Sarqarliip Nunaaniit erngup aqqutaanik Aasiannut pilersitsineq 45 mio. kr.-nik akeqassasoq (1990).

Inussiarnersumik inuulluaqqusillunga

Med venlig hilsen



Vittus Qujaukitsoq

# INUIT ATAQATIGIIT

## Inatsisartuni



Aasiaat 16. februar 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Aasiaat illoqarfiata nunataani nunap iluani imeqarfeqartoq ilumoorpa?**
- 2. Tamanna ilumoorsimasappat taava imeqarfiit nunap iluaniittut imeqarfigineqarsinnaappat?**
- 3. Qilleraluni imermik ujarlertoqarnikuua?**
  - a. Aappiuppat; qanga qilleroqarnikuua? Aamma qanoq kinguneqarpa?**
  - b. Naamiuppat; Naalakkersuisut imermik ujarlerlutik qillinerissamik pilersaaruteqarnerpat?**
- 4. Taamatut qilleraluni imermik ujarlertoqarnissaa qanoq periarfissaqarpa?**
  - a. Periarfissaqarpa? Tunngavissaqarpa?**
  - b. Taamatut qilleraluni imermik ujarlertoqassagaluarpat aningaasatigut tamanna qanoq naleqarsinnaava?**
- 5. Uunartukasimmiit Aasiannut erngup aqqusiortoqarnissaanik Naalakkersuisut pilersaaruteqarpat?**
- 6. Uunartukasimmiit Aasiannut erngup aqqutissaanik ruujorersuarmik pilersitsisoqassagaluarpat tamanna qanoq naleqassangatinneqarpa?**

(Inatsisartunut ilaasortaq Peter Olsen Inuit Ataqatigit)

### **Tunngavilersuut:**

Aasianni imeqarfiusoq illoqarfimmut qanitsunnguuvoq, ukiunilu makkunani illoqarfiup alliaartornera ilutigalugu unammillernartut amerligaluttuinnarput.

Ukiuunerani imeqarfiusup tungaa annertuumik ujakkaarnermik timersorfiulluuartarpoq, qamussuarnillu aqqusiorsinnaaneq annertuumik tassuunakkut aporfilersorneqarlunilu killilerneqartarpoq, angallatit motorillit imeqarfiup eqqaatigut angalaqqusaannginnerat pissutaalluni.

Ukiuni kingullermi Aasiaat inuttusiartoqqilerpoq alliaartoqqilerlunilu. Illoqarfik avannamut kangimut taamaallaat alliaartortinneqarpoq massakkullu periarfissaarukkiartulersimalluni. Taamaattumik piffissanngorsorinarpoq illoqarfiup kujammut imeqarfiup tungaatigut alliaartortinneqarnissaa.

Aalisakkerivipput ingerlalluarpoq, taamaattorli ilaanni imermik atuineq ilaanni kigaallatsinneqartariaqartarpoq imeqarfiup tunniussinnaassaa ilaanni killeqalersarmat.

Taamaammatt assigiinngitsorpassuartigut siunnissaq eqqarsaatigalugu imeqarfeqarfeqarnerup tungaatigut allatut aqqiissuussisoqartariaqalernissaa pisariaqalertussaavoq.

Taamatut tunngavilersuuteqarlunga apeqquteqaatiga ingerleqqippara.

Kissaatigaraa apeqquteqaatima ullut qulit iluanni akineqarnissaaa.